

# Alkitab Buat Bocah Nampilin

Yakub  
Tukang  
Tipu



Nyeng nulis: Edward Hughes

Nyeng bikin gambar: M. Maillot; Lazarus  
Alastair Paterson

Nyeng nyocokin: M. Kerr; Sarah S.

Nyeng terjemahin: Matheus Nalih Ungin

Dibikin buat: Bible for Children  
[www.M1914.org](http://www.M1914.org)

©2023 Bible for Children, Inc.

Perijinan: Enté boleh ngegandain atau nyetak ini cerita,  
selama enté kagak ngejualnya.



Pernah kaga Tuhan ngirim orok dalem keluargamu. Bagus banget! Ishak ama Ribka tentunya girang banget. Tuhan ngasih mereka orok kembar.



Orok orok itu  
pada belawanan di  
dalem kandungan  
Ribka. Pas dia  
sembahyang,  
Tuhan bilang kalo  
kedua bocahnya  
bakal mimpin  
dua bangsa  
nyeng muda bakal  
jadi lebih kuat  
dari nyeng laen.



Si kembar itu kaga sama banget. Esau anak nyeng paling tua, seluruh badannya kaya jubah bebulu, dan tumbuh kaya orang nyeng jago beburu. Yakub punya kulit alus ama suka ada di seputeran rumah. Bapa Ishak sayang ama Esau. Emak Ribka sayang Yakub.




Satu ari, Esau ngerasa lapar. "Kasih aku makanan," dia bilang sama Yakub. "Jual dulu hak anak paling tuamu sama aku," pinta Yakub. Esau kaga peduli

sama janji Tuhan buat anak paling tua. Dia bikin persetujuan ama Yakub. Sekarang Yakub bakalan jadi pemimpin keluarga pas waktu bapanya mati.



Satu malem Tuhan ngomong sama Ishak. "Aku ini Tuhan bapamu Abraham, Aku ada sama kamu. Aku bakalan ngeberkatin keturunanmu." Meski Ishak muji-muji Tuhan, bocahnya Esau nikahin dua bini dari orang Het, orang nyeng cuek sama Tuhan.



Ishak udah tua. "Bawain kepadaku makanan nyeng enak dari daging buruanmu." Dia bilang sama Esau. "Lantas aku bakalan ngeberkatin kamu." Ini adalah berkat nyeng luar biasa dari bapa buat bocahnya nyeng paling tua. Esau pegih beburu. Tapi Ribka ngedengernya. Dia pengen Yakub nyeng diberkatin.





Ribka punya satu siasat. Pas dia lagi masak makanan nyeng disukai sama Ishak, Yakub ngelilitin kulit anak kambing pada kedua tangannya ama lehernya. Saat itu Ishak udah kaga bisa ngeliat dengan jelas/kotok ayam.



Yakub ngebawa makanan buat Ishak. "Kalo suara, suara Yakub," Ishak bilang. "Tapi kalo tangan, tangan Esau." Abis dia makan makanan itu, Ishak ngeberkatin bocahnya nyeng sedeku di depannya.



Baru aja Yakub pegih, Esau datengn nemuin Ishak.  
"Bapa makan tuh daging ini." Dia bilang. Ishak tau  
kalo dia udah ditipu. "Aku  
kaga bisa ngubah berkat  
nyeng udah aku kasih."  
dia mewek. Ati Esau  
dipenuhin ama dendam.  
Ia punya niat buat  
ngebunuh Yakub.



Ribka ngedenger Esau mao bales dendam. "Pegih kamu ke rumah endemu," dia bilang sama Yakub.

"Sampe abangmu lupa apa nyeng udah kamu perbuat sama dia." Ishak akur-akur aja Yakub nyari bini dari keluarga emaknya. Jadi pegihlah Yakub dari rumahnya.




Malem itu, Yakub kaga tidur dia ngambil batu dan dijadiin bantal. Rasa-rasanya dia kesepian, dan dia ngerasa takut. Tapi dia kaga dewekan. Tuhan ngomong



sama dia dalem satu ngimpi nyeng luar biasa.





"AKU INI  
TUHAN,  
ALLAHNYA ABRAHAM  
AMA ALLAHNYA ISHAK.  
AKU ADA SAMA KAMU.  
TANAH TEMPAT KAMU  
TIDURAN INI BAKALAN AKU KASIHIN  
KEPADAMU SAMA KEPADA KETURUNANMU.  
LANTARAN KETURUNANMU SEMUA BARAYA DI  
MUKA BUMI BAKALAN NGEDAPETIN  
BERKAT." Abis Tuhan bersabda Yakub  
bangun. Dia takut banget.



Endenya Yakub nyeng namanya  
Laban nerima dia. Yakub sayang  
ama sodara misannya Rahel  
dan kerja buat Laban  
sepanjang tujuh taun biar  
bisa nikahin Rahel.



Tapi pas malem  
pernikahan, Laban  
ngeboongin Yakub.



"Nyeng ini Lea, bukan Rahel." Yakub protes. "Kamu ngeboongin aku." "Gadis nyeng tuaan kudu nikah duluan." Laban ngejawab. "Sekarang kamu bisa nikahin Rahel juga, tapi kamu kudu kerja tujuh taun lagi sama aku." Yakub akur-akur aja. Bisa jadi dia inget

keboongan  
nyeng

dibuatnya  
sama Ishak  
dan Esau.





Yakub punya tujuh anak laki.  
Udah betaun-taun lamanya  
diliwatin dia ngebawa  
keluarganya balik lagi ke  
Kanaan. Di sono akhirnya  
orangtuanyan netep. Tapi Esau  
juga netep di sono dan pernah  
punya niat ngebunuh Yakub.



Kira-kira aman kaga ya buat dia? Satu ari Tuhan bilang sama Yakub buat balik lagi ke tanah dimana dulu ia dibrojolin. Yakub ngumpulin semua keluarganya ama kambing dombanya buat balik lagi ke rumah bapanya.



Kepergian itu akhirnya bikin girang. Esau dateng nemuin Yakub sama empat ratus orang-orang dia. Tapi dia kaga nyelakain Yakub. Dia lari nemuin Yakub dan meluk dia. Yakub ama Esau jadi kawan lagi, dan Yakub balik lagi dengan

aman ke rumahnya.



# Yakub Tukang Tipu

Sebuah cerita dari perkataannya Tuhan, Alkitab

Ditemuin di

Kejadian 25-33

"Palang pintu Firman Engkau ngasih terang."  
Mazmur 119:130



Tamat



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

